



UNDANG-UNDANG NEGERI SELANGOR

Enakmen A25

**ENAKMEN PENTADBIRAN AGAMA ISLAM
(NEGERI SELANGOR) (PINDAAN) 2011**

Tarikh Perkenan Diraja	12 Ogos 2011
Tarikh penyiaran dalam <i>Warta</i>	25 Ogos 2011

UNDANG-UNDANG NEGERI SELANGOR

Enakmen A25

ENAKMEN PENTADBIRAN AGAMA ISLAM (NEGERI SELANGOR) (PINDAAN) 2011

BETA PERKENANKAN,

(MOHOR
KERAJAAN)

SHARAFUDDIN IDRIS SHAH,
Sultan Selangor

12 Ogos 2011

Suatu Enakmen untuk meminda Enakmen Pentadbiran Agama Islam (Negeri Selangor) 2003.

[]

DIPERBUAT oleh Badan Perundangan Negeri Selangor seperti yang berikut:

Tajuk ringkas

1. Enakmen ini bolehlah dinamakan Enakmen Pentadbiran Agama Islam (Negeri Selangor) (Pindaan) 2011.

Pindaan seksyen 2

2. Seksyen 2 Enakmen Pentadbiran Agama Islam (Negeri Selangor) 2003 [*Enakmen No. 1 tahun 2003*], yang disebut “Enakmen ibu” dalam Enakmen ini dipinda dalam subseksyen (1)—

(a) dalam teks bahasa kebangsaan, tafsiran bagi “orang Islam”, dengan memasukkan selepas perenggan (f) proviso kepada tafsiran itu, seperti yang berikut:

“dan termasuklah Majlis Agama Islam Selangor yang ditubuhkan di bawah seksyen 4 Enakmen ini”;

(b) dengan memasukkan selepas tafsiran “Setiausaha” tafsiran yang berikut:

“Surau” ertinya suatu bangunan—

(a) yang digunakan bagi sembahyang kecuali sembahyang Jumaat dan kegiatan yang disuruh, disyorkan, atau dibenarkan oleh agama Islam; atau

(b) yang penggunaannya sebagai yang sedemikian telah dibenarkan oleh Majlis;’;dan

(c) dalam teks bahasa Inggeris, dengan menggantikan tafsiran “*Hukum Syarak*” dengan tafsiran yang berikut:

“*Hukum Syarak*” means *Hukum Syarak* according to Mazhab Shafie or any one of *Mazhab Hanafi, Maliki* or *Hanbali*;’.

Pindaan seksyen 11

3. Seksyen 11 Enakmen ibu dipinda dalam subseksyen (1) dengan menggantikan perenggan (d), perenggan yang berikut:

“(d) tidak kurang daripada lapan orang anggota lain, sekurang-kurangnya lima daripada mereka hendaklah arif dalam agama Islam”.

Pindaan seksyen 16

4. Seksyen 16 Enakmen ibu dipinda dengan menggantikan subseksyen (1) dengan subseksyen yang berikut:

“(1) Duli Yang Maha Mulia Sultan atas nasihat Majlis, hendaklah melantik mana-mana orang yang layak dan sesuai menjadi Setiausaha.”

Pindaan seksyen 22

5. Seksyen 22 Enakmen ibu dipinda dalam subseksyen (3)—

- (a) dengan memotong perkataan “kata demi kata penuh”; dan
- (b) dengan memasukkan selepas perkataan “ketetapan” perkataan “dan dasar”.

Pindaan seksyen 23

6. Seksyen 23 Enakmen ibu dipinda dalam subseksyen (2), dalam teks bahasa kebangsaan, dengan memasukkan selepas perkataan “masa” perkataan “menghendaki mana-mana anggota untuk menamatkan ucapan mereka di dalam mesyuarat”.

Pindaan seksyen 61

7. Seksyen 61 Enakmen ibu dipinda—

- (a) dalam perenggan (3)(a)—
 - (i) dalam teks bahasa kebangsaan, dengan menggantikan perkataan “rukun-rukun” perkataan “ajaran-ajaran”;
 - (ii) dalam teks bahasa Inggeris, dengan memasukkan selepas perkataan “prescribes offences” perkataan “against the precepts of the religions of Islam and may impose any punishment provided for the offence”; dan
- (b) dalam subperenggan (3)(b)(xii) dengan memasukkan selepas perkataan “masjid-masjid” perkataan “dan surau”.

Pindaan seksyen 80

8. Seksyen 80 Enakmen ibu dipinda—

- (a) dalam subseksyen (1), dengan memasukkan selepas perkataan “orang” perkataan “Islam”;

(b) dalam subseksyen (3)—

- (i) dalam perenggan (a), dengan memotong perkataan “atau” selepas koma bernoktah;
- (ii) dalam perenggan (b), dengan menggantikan tanda bacaan koma dengan koma bernoktah; dan
- (iii) dengan memasukkan selepas perenggan (b), perenggan yang berikut:

“(c) mana-mana Pegawai Syariah dalam Perkhidmatan Awam Am Persekutuan; atau

(d) mana-mana Pegawai Majlis yang ditentukan oleh Majlis,”;

(c) dalam subseksyen (4), dengan menggantikan perkataan “hendaklah” perkataan “bolehlah”.

Pindaan seksyen 82

9. Seksyen 82 Enakmen ibu dipinda—

- (a) dalam nota bahu, dalam teks bahasa kebangsaan, dengan menggantikan perkataan “belanjawan” dengan perkataan “perbelanjaan”; dan
- (b) dalam subseksyen (1), dengan menggantikan perkataan “31 haribulan Oktober” dengan perkataan “30 haribulan November”.

Pindaan seksyen 84

10. Seksyen 84 Enakmen ibu dipinda dalam teks bahasa Inggeris, dengan menggantikan subseksyen (4), subseksyen yang berikut:

“(4) Cheques drawn on any bank account of the Majlis shall be drawn in the manner as provided in the Financial Procedure of Majlis”.

Pindaan seksyen 85

11. Enakmen ibu dipinda dengan memotong seksyen 85.

Pindaan seksyen 86

12. Seksyen 86 Enakmen ibu dipinda—

- (a) dalam nota bahu, dengan memasukkan selepas perkataan “memungut” perkataan “dan mengagih”; dan
- (b) dengan memasukkan selepas perkataan “berkuasa memungut” perkataan “dan mengagih.”

Pindaan seksyen 96

13. Seksyen 96 Enakmen ibu dipinda—

- (a) dalam nota bahu, dengan memasukkan selepas perkataan “masjid” perkataan “dan surau”;
- (b) dalam subseksyen (1), dengan memasukkan selepas perkataan “semua masjid” perkataan “dan surau”; dan
- (c) dalam subseksyen (2)—
 - (i) dengan memasukkan selepas setiap perkataan “masjid” perkataan “dan surau”; dan
 - (ii) dengan menggantikan perkataan “selain” perkataan “termasuk”.

Pindaan seksyen 98

14. Seksyen 98 Enakmen ibu dipinda—

- (a) dalam nota bahu, dengan memasukkan selepas perkataan “bagi masjid” perkataan “dan surau”;
- (b) dalam perenggan (1)(a), dengan memasukkan selepas perkataan “sebagai masjid” perkataan “atau surau”; dan

- (c) dalam perenggan (1)(b), dengan memasukkan selepas perkataan “sebagai masjid” perkataan “atau surau”.

Pindaan seksyen 100

15. Seksyen 100 Enakmen ibu dipinda—

- (a) dalam subseksyen (2), dengan memasukkan selepas perkataan “perkhidmatan bersama” perkataan “atau mana-mana orang lain”; dan
- (b) dalam subseksyen (4), dengan menggantikan perkataan “hendaklah” dengan perkataan “bolehlah”.

Pindaan seksyen 102

16. Seksyen 102 Enakmen ibu dipinda dalam subseksyen (2)—

- (a) dalam teks bahasa kebangsaan—
- (i) dengan menggantikan perkataan “enam puluh tahun” perkataan “enam puluh lima tahun”;
- (ii) dalam proviso kepada subseksyen itu, dengan menggantikan perkataan “60” perkataan “enam puluh lima tahun”; dan
- (b) dalam teks bahasa Inggeris, dengan menggantikan perkataan “sixty years” di mana-mana jua terdapat dengan perkataan “sixty five years”.

Pindaan seksyen 103

17. Seksyen 103 Enakmen ibu dipinda—

- (a) dalam nota bahu, dengan memasukkan selepas perkataan “Pegawai Masjid” perkataan “dan Jawatankuasa Kariah”; dan
- (b) dengan memasukkan selepas perkataan “Pegawai Masjid” perkataan “dan Jawatankuasa Kariah”.

Pindaan seksyen 104

18. Seksyen 104 Enakmen ibu dipinda—

(a) dalam subseksyen (2)—

- (i) dalam perenggan (b), dengan menggantikan perkataan “anak kariah” perkataan “ahli kariah”;
- (ii) dalam perenggan (b), dengan memotong perkataan “dan” selepas koma bernoktah;
- (iii) dalam perenggan (c), dengan menggantikan tanda noktah dengan perkataan “;dan”;

(c) dengan memasukkan selepas perenggan (c), perenggan yang berikut:

“(d) mengawasi pengurusan tiap-tiap surau dalam kariah itu.”; dan

(d) dalam subseksyen (3), dalam teks bahasa kebangsaan, dengan menggantikan perkataan “MAIS” perkataan “Majlis”.

Pindaan seksyen 110

19. Seksyen 110 Enakmen ibu dipinda dengan menggantikan perkataan “Pendaftar Muallaf” perkataan “Ketua Pendaftar Muallaf dan Pendaftar Muallaf”.

Pindaan seksyen 116

20. Seksyen 116 Enakmen ibu dipinda dalam teks bahasa kebangsaan, dengan menggantikan perkataan “kaedah-kaedah” perkataan “peraturan-peraturan”.

Pindaan seksyen 118

21. Seksyen 118 Enakmen ibu dipinda dalam perenggan (1)(a), dengan menggantikan perkataan “Setiausaha Majlis” perkataan “Mufti”.